

Reagovanje

DOBRE NAMJERE POSTALE ILUZIJA!

Hajde da sad podignemo kapu u čast SAD i EU, jer su činom donošenja Dejtonskog mirovnog sporazuma (1992-1995) zaustavili rat u BiH. Hvala im i što su svojim sredstvima pomagale i djelomičan oporavak naše države, na što su se ugledale i još mnoge države svijeta.

Ali, na tom planu ima i mnogo kontradikcija. Recimo, aktuelni režim vlasti SAD i EU govore da je Dejton „najbolja šansa za BiH“. Međutim, tako ne misle i većina građana BiH, pa i pisac ovih redova. Evo i zašto?

Ove godine su se završile 22 godine od potpisivanja Dejtona (Pariz, 14. 12. 2015). BiH, kojoj se sa Dejtonom ostvariti svjetla sudbina, trenutno se, gledano ekonomski, nalazi na posljednjem mjestu među državama Evrope. Razlog tome su sasvim loše procjene potpisnika Dejtona (Milošević, Tuđman, Izetbegović), mada su im iza leđa, kao garanti, stajale najuglednije ličnosti tadašnjih velikih sila.

O toj su nedoumici, nakon što se smirila euforija o Dejtonu, i jako ugledne ličnosti iznijele dosta loše stavove. Tako, Clinton za taj akt smatra "najvećom koletivnom greškom Zapada od 1930" (velike svjetske krize). Za takvu procjenu on navodi, recimo, da je u pitanju „pogrešno tumačenje historije Balkana... Zatim, Kardinal Puljić je istupio sa procjenom: „Ne može opstati tako glupa stvar kao što je Dejton!“. Nazad, ugledni sudija Faris Vehabović tvrdi: „NISU SPORNI DIJELOVI, SPORAN JE CIJELI DEJTTONSKI USTAV“, SLOBODNA BOSNA, 31.12.2009.

I pored navedenih činjenica, koje se ne mogu nikako ignorirati, aktuelni režim SAD i EU iluzionistički tvrdi da je Dejton, pazi Bogati, „najbolja šansa“. Tako nešto je znanstveno netačno! Jer, Marks je govorio da je istinita samo ona hipoteza koja se može dokazati „na matematički način“. tog dokaza za Dejton nema SAD i EU.

Ali, realno bi bilo da spomenute institucije ponude BiH novo, bolje rješenje aktuelne krize. Građani BiH traže: "o sebi reži pa da se nama sašije" (primjer Velike Britanije, SAD, Francuske itd.). Za tako nešto mogu poslužiti i rezultati istraživanja DRUŠTVA STANAK FFSA. Oni, namjesto ustavnog uređenja (što je praksa Rusije, Srbije ... predlažu povelje. Sličnu opciju imaju i sadašnje kraljevine Evrope.

Tako nešto ima i svoju logiku, recimo, ako se ima u vidu Povelja Kulina Bana z 1189, najstarijeg pravnog akta kod ustrojstva država Evrope. Red bi bio da se pomenuta sugestija uvaži. A to znači da reformu treba početi od problema što se ime naše države sastoji od dvije imenice. Međutim, akad. Sidran cijeni da je dovoljna "jedna". Znači, našoj državi treba vratiti izvorno ime. Zatim, i njen parlament treba povjesno nazvati sbor/stanak (što je replika parlamentarnih monarhija država Evrope).

Ako rezimiramo prethodni tekst, tad možemo kazati: dobre namjere postale iluzija!

Na kraju kažimo: Ljudski je pogriješiti, a đavolski je ustrajavati u pogrešci, govorili su Latini.



*Hakija ĐOZIĆ,
umirovljeni nastavnik EFS*